

Á Mesa do Parlamento

Julio Torrado Quintela, Paloma Castro Rey, Pablo Arangüena Fernández, Matilde Begoña Rodríguez Rumbo e Gonzalo Caballero Miguez, deputados e deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **oral** en **Pleno**.

A recente presentación da Lei de Medidas Fiscais e Administrativas inclúe, entre outros aspectos, unha modificación do sistema tributario polo que se oferta aos establecementos de bingos de Galicia unha rebaixa do 40 % nas taxas a aportar á Comunidade Autónoma. Esta rebaixa ten, segundo a normativa proposta, a única condición de manter o mesmo volume de traballadores no inicio en 2023 que ao inicio de 2022, en función das supostas dificultades que a COVID segue afectando a estas empresas.

Esta rebaixa, feita en paralelo á presentación por parte do goberno da Xunta de Galicia dun proxecto de lei sobre o xogo e apostas, ven a entregar un volume extra de beneficio a un tipo de empresa específico dentro do ámbito do xogo, cunha xustificación afastada da realidade e que provoca agravios comparativos con outros tantos tipos de negocio de sectores distintos que poderían ter a mesma consideración e, incluso, iguais ou máis problemas relacionados co mantemento do cadro de persoal debido aos efectos da COVID en 2022.

Por todo o exposto, os deputados e as deputadas que asinan formulan a seguinte pregunta para o seu debate en Pleno:

Considera o goberno da Xunta de Galicia que é xusta e necesaria a medida proposta de rebaixa dun 40 % nas taxas aos bingos da Comunidade Autónoma?

Pazo do Parlamento, 27 de outubro do 2022

Asdo.: Julio Torrado Quintela
Paloma Castro Rey
Pablo Arangüena Fernández
Matilde Begoña Rodríguez Rumbo
Gonzalo Caballero Miguez
Deputados e deputadas do G.P. dos Socialistas de Galicia





Asinado dixitalmente por:

Julio Torrado Quintela na data 27/10/2022 16:17:25

Paloma Castro Rey na data 27/10/2022 16:17:42

Pablo Arangüena Fernández na data 27/10/2022 16:17:52

Matilde Begoña Rodríguez Rumbo na data 27/10/2022 16:18:04

Gonzalo Caballero Míguez na data 27/10/2022 16:18:14

